

JEDE TAG Baby Jail 1988 (Text: Boni Koller)

Ich und du, du und ich
gönd hüt zäme uf de Schtrich
Ich mues zale, du chunnsch über
nachher schtimmt de Chole wider

Dir tuets glaub im Hirni weh
Ich han e besseri Idee
Chumm mir gönd ufs Münschter ue
Du gumpsch abe und ich lueg zue

Jede Tag, immer s'glichen
ich lieb dich, du liebsch mich
Jede Tag, s'isch e Plag, jede Ta-ag

Pilz und Beerli git's im Wald
Irgendöppis findi bald
Ich choch hüt für eus zwei
Ässe törsch es dänn älei

Da ässemer gschiider uswärts hüt
Im Hilton bi de riiche Lüt
Bim Usegah wird's vilicht knapp
Ich gang hei, du wäschisch ab

Jede Tag, immer s'glichen...

Ou jetz weissis öppis neus
Chumm mir verchleided eus
Und dänn rännemer uf d'Schtrass
Ich als Auto, du als Has

Aber nei, das isch doch blöd
So'nen Seich, das machi nöd
Du, ich glaub es isch am beschte
Mer lueged Färnseh so wie geschter

Jede Tag, immer s'glich...